


T 5743 / ~~530~~  
1438(2)



CHINESE JAPANESE COLLECTION  
HARVARD COLLEGE LIBRARY,  
DEPOSITED BY  
HARVARD - YENCHING INSTITUTE  
JAN 14 1936

Blank page with faint ghosting of text from the reverse side.

新刻出像增補搜神記卷之二

金陵三山對溪唐富春校梓

哈佛大學漢和

目錄

玄天上帝

北極驅邪院左判官

梓潼帝君

吳客三真君

許真君

張天師

三茅真君

祠山張大帝

五聖

至聖炳靈王

佐聖真君

王侍宸

袁千里

張果老

西嶽真人

太素真人

薩真人

壽春真人

負局先生

律呂神

劉師

玄天上帝



# 玄天上帝

按混洞赤文所載玄帝乃元始化身太極別躰上三  
 皇時下降為太始真人中三皇時下降為太朴真  
 人下三皇時下降為太素真人至黃帝時下降為  
 當上天闢皇初劫下世紫雲元年建甲午三月甲  
 寅庚午時符太陽之精托胎化生淨樂國王善勝  
 夫人之腹孕秀一十四月則太上八十二化也淨  
 樂國者乃奎婁之下海外國上應龍變梵度天玄  
 帝產母左脇當生之時瑞雲覆國異香芬然地上  
 變金玉瑞應之祥生而神靈舉措隱顯年及十歲

經典一覽悉皆默會仰觀俯察靡所不通潛心念  
道志氣太虛願輔上帝普福兆民父王不能抑志  
年十五辭父母欲尋幽谷內煉元真遂感玉清聖  
祖紫虛元君傳授無極上道元君告玄帝曰子可  
越海東遊歷於翼軫之下有山自軋兌起跡盤旋  
五萬里冰出震宮自有太極便生是山應顯定極  
風天太安皇崖二天子可入是山擇衆峰之中冲  
高紫霄者居之當契太和昇舉之後五百歲當龍  
漢二叔中披髮跣足攝離坎真精歸根復位上為  
三境輔臣下作十方大聖方得顯名億劫與天  
日月齊并是其果滿也告畢元君昇雲而去

乃如師語越東海遊步至翼軫之下果見師坐之  
山山水藏沒皆符師言乃入觀覽果有七十二峰  
中有一峰聳翠上凌紫霄下有一崑崙陽虛寂於  
是玄帝採師之誠目山曰太和山峰曰紫霄峰崑  
崙曰紫霄崑因卜居焉潛虛玄一默會萬真四十九  
年大得上道於黃帝紫雲五十七年歲次甲子九  
月初九日丙寅清晨忽有祥雲天花自空而下迷  
漫山谷去山四方各三百里林巒震響自作步虛  
仙樂之音是時玄帝身長九尺面如滿月龍眉鳳  
目緝髮美髯顏如冰清頂九氣玉冠身披松蘿之  
服蹠足拱手立於紫霄峰上須臾雲散有五真群

仙降於玄帝之前導從甚盛非凡見聞玄帝稽首  
祇奉迎拜五真曰予奉三清玉帝詔以子功滿道  
備昇舉今聞子之聖父聖母已在九霄矣玄帝跪  
伏恭詔五真乃宣詔畢可特拜太玄元帥領元和  
遷校府公事賜九德偃月金晨王冠瓊華玉簪碧  
瑤寶圭素銷飛雲金霞之帔紫銷龍袞丹裳羽屬  
絳綵之裾七寶銖衣元光朱履飛紅雲馬佩太玄  
元帥玉冊軋元寶印南北二斗三台龍劍飛雲玉  
輅丹輦綠輦羽蓋瓊輪九色之節十絕靈幡前驅  
九鳳後次八鸞天下玉女億乘萬騎上赴九清詔  
至奉行玄帝再拜授詔易服訖飛昇金闕後元

玉曆記云殷紂日造罪德惡毒自橫遂感天火  
王引諸鬼衆傷害衆生元始乃命玉皇上帝降詔  
紫微陽則以周武伐紂陰以玄帝收魔斯時上賜  
玄帝披髮跣足金甲玄袍皂纛玄旗統領丁甲下  
降凡世與六天魔王戰於洞陰之野魔王以坎離  
二氣化蒼龜巨蛇變現方成玄帝神力攝於足下  
鎖鬼衆於酆都大洞宇宙肅清玄帝凱還特賜  
號拜玉虛師相玄天上帝領九天採訪使聖父曰  
淨樂天君明真大帝聖母曰善勝太后瓊真上仙  
下蔭天闕曰太玄火精命陰將軍赤靈尊神也  
曰太玄水精育陽將軍黑靈尊神並居天一



# 北極驅邪院左判官

左判官者唐顏真卿德宗命真卿同謀李希烈親族  
 嚴於長樂坡公醉跳柳前楹曰吾早遇道士云陶  
 八八授以刀圭碧霞丹至今不衰又曰七十有厄  
 即言他日待我於羅浮山得非今日之厄乎公至  
 大梁希烈命縊殺之葬於城南希烈敗家人敢拒  
 見貌狀如生徧身金色瓜甲出手背鬚髮長數尺  
 歸葬偃師山后有商人至羅浮山有二道士奕  
 奕下棋一曰何人至此一曰客洛陽人道士笑  
 曰空山無家白王真說此山花柳家

梓潼帝君



# 梓潼帝君

初三日生

按清河內傳余本吳會間人生於周初後七十三化  
為士大夫未嘗酷民虐吏性烈而行察同秋霜白  
日之不可犯後西晉末降生於越之西雋之南兩  
郡之間是時丁未年二月三日誕生祥光罩戶黃  
雲迷野居處地俯近海里人請清河叟曰君今六  
十而獲貴嗣童稚時不喜嬉戲每慕山澤往往語  
言若有隱顯盡誦群書喪避衆子自笑自樂身躰  
光射居民祈禱則余嗤訕長嘯曰土木而能衣人  
之衣食人之食享之而有應謗之而有獨我為人

而焉無靈乎自後夜夢或為龍或為王者天符或  
為水符漕自恠而不甚信為言兆三農僊旱為  
無甦舞雩祝神恬然無驗余思曰寐中夢治水府  
今夕當驗夜往水際以夢中官色牒河伯而驚  
尤恐怵恠不能忽尔之間陰雲四合風飛雷震一  
吏稽首余前曰運判徙居余曰非我也我乃張戶  
老之子名垂緣水府得達故字需美吏曰奉命從  
子余曰家人如何吏曰先到治所余惶懼未決更  
揖上一白驢而去俛首望開風雨聲中頓失鄉地  
到一山連巖嶺而撐參宮星也若鳳凰之偃下有  
舌漱引餘入一巨穴門有二石荀吏曰民之

祝此石而有應名曰雷狂吾方寒衣入穴吏又曰  
君記周室為人七十三化德傳家而迄今否余  
方大悟若夢覺也吏曰君在天譜得神之品於人  
世界有知之者晉不日有中興之兆君可尋方而  
顯化余曰謝天使響報也入穴則若墮千仞之壑  
近地而是不沾若騰身虛空有王者之宮中有禁  
衛余入遂見家人悉都其間改日作儒士往咸陽  
講姚萇之故事廟在劍州梓潼縣九曲之北其殿  
有降筆亭中以金索懸一五色飛鸞口御筆用  
金花牋數百番常留筆下筆墨皆具亭門本府差  
官封鎖甚嚴以防欺偽之弊降筆訖其亭內有銅

鍾自鳴廟吏聞於本府本府差官啟鑰取書以觀  
報應其降筆多勸人以忠孝為本昨逆賊儲為司  
王具犧牲設俎豆潔粢盛親詣

帝君廟設祭甫啟行禮黑風驟起滅燭撒香逆賊震  
懼俯伏殿下須臾開明視祝板已碎作兩片矣

帝君奉

玉帝旨佐南斗汪生由是求嗣者多禱焉

唐玄宗追封 左丞相 僖宗加封

順濟王 宋太祖加封聖號

忠烈仁武孝德聖烈王

聖后協應德惠妃

聖父顯慶慈祐仁裕王 聖母昭德積慶慈淑妃

聖子嗣德王 聖子婦善助顯懿夫人

聖子昌德王 聖子婦順助惠懿夫人

聖孫紹應昭靈侯 聖孫婦洪應夫人

聖孫承應宣靈侯 聖孫婦惠應夫人

佐神英惠忠烈翼濟福安王 即報喜太尉也

左右桂祿二籍仙官

延祐三月七日加封聖號

輔元開化文昌司祿宏仁帝君

水曹司使申也

吳客三真君



吳客三真君

昔周厲王有三諫官唐葛周也王好畋獵失政三官  
 諫曰先王以仁義守國以道德化民而天下咸服  
 未聞禽荒也屢諫弗聽三官棄職南遊於吳吳王  
 大悅會楚兵侵吳王甚憂之三官進曰臣等致身  
 以死事大王自有安邦之謀大王無慮三官迎敵  
 各用神策楚降吳王遷賞三官拜辭奏曰臣等客  
 臣也不敢受賜后知厲王薨宣王之復歸周國宣  
 王錫賚甚厚仍其爵位后救太子靖王降五方使  
 者及非灾橫禍宣王遷三官於東衣撫治安慰

受其賜商請其資所至無乏其國大官既昇  
加封侯號

唐宏字文明孚靈侯 七月二十一日誕

葛雍字文度威靈侯 二月十三日誕

周武字文剛浹靈侯 十月初二日誕

宋祥符元年真宗東封岱岳至天門忽見三仙自  
空而下帝敬問之三仙曰臣奉天命護衛聖駕帝

封三仙曰

上元道化真君

中元護正真君

下元定志真君同判

### 岱岳冥司

讚曰應變之聖道德之君辭周寄吳濟世救民周  
而烈極吳封客臣宋遇真宗天門顯身帝親問之  
一方得其因唐虞氏天地水神上奉王詔保駕聖  
一明御製妙讚敕載姓名祠封太頂號建三靈

許真君



許真君

八月初一星

許真君名遜字敬之汝南人也祖父世慕至道真君  
弱冠師大洞真君吳猛傳三清法奉孝廉拜蜀旌  
陽令以晉亂棄官與吳君問遊江左會王敦作亂  
二君乃假符呪詔敦欲止敦而存晉也一日同郭  
璞候敦、蓄怒而見曰孤昨夢得一木上破其天  
禪帝位果十全乎請先生圖之許曰此夢非吉矣  
曰木上破天是宋字明公未可妄動又令璞筮之  
曰事無成問壽曰若起事禍將不久若任武昌壽  
不可測敦怒曰卿壽幾何曰予壽盡今日敦令武

士執璞赴刑二君同敦飲席間乃隱形去至廬江  
口召舟過鍾陵舟師以無人力駕舡二君曰但載  
我人自行舡仍戒舟師曰汝宜堅閉戶隱君聞舟  
行聲慎勿潛窺於是入舟頃刻間舟師聞舟搖撼  
木葉聲遂潛窺見二龍駕舟在紫霄峰頂能知其  
窺委舟而去二君曰汝不信吾教今至此奈何遂  
令舟師舟隱此峰頂教服靈草授以神仙術舟之  
遺跡今尚存真君后在豫章遇一少年容似修整  
自称慎郎真君与之話知非人類既去謂門人曰  
適少年即蛟蜃精吾念江西累遭洪水為害若不  
剪除恐致逃遁遂舉道眼一視見蜃精化一黃牛

於洲北真君謂弟子施太玉曰彼黃牛我今化則  
牛仍以白巾與聞汝訊之當以劍截彼俄頃二牛  
奔逐太玉以劍中黃牛之左股因投入城西井中  
黑牛亦入井蜃精徑走蜃精先在潭州化一聰明  
少年人多珍寶娶刺史賈玉女常旅遊江湖必多  
獲寶貨而歸至是空歸且云被盜所傷頃與客  
報云有道流許敬之見使君賈出接坐真君曰聞  
君得佳婿畧請見之慎郎托疾不出真君厲聲曰  
蛟精老魅焉敢遁形蛟乃化本形至堂下命空中  
神殺之又令將二兒來真君以水噀之即成小兒  
妻賈氏幾變父母力懇乃止令穿屋下文餘地皆

無水際又令急移俄頃官舍沉沒為潭蹤跡皆宛  
然昔歷后於東晉太康二年八月五日於洪洲西  
山舉家白自北昇真君自飛昇之后里人與真君  
族人就其地主祠以所遺詩一百二十首寫竹簡  
之上載之竹簡令人採取以决休咎名曰聖籤宋  
徽宗政和二年五月十七日上尊號曰

神功妙濟真君改觀為宮賜額曰王隆萬壽帝因看  
書於崇政恍然似夢見東華門北有一道士戴九  
華冠披絳章服導從者甚衆至丹墀起簡攝帝以  
因問曰卿是何人不詔而至對曰吾為許旌陽權  
舉九天司職上帝命往按察西瞿耶國經田故國

復問曰朕忠安息瘡諸藥不能愈真君有藥藥即  
取小瓢子傾藥一粒如綠豆大可呪抹於瘡上  
如派酥灌入骨清涼遂揖而去行數步隨迴顧  
曰吾弊舍已久寥落願聖皇舉眼一看為皇帝豁  
然而覺詔畫像如夢中所見祥賜上清儲祥宮崇  
奉詔真君遺迹去處未有宮觀即取本屬官職建  
造如宮觀只因損壞如法修換無常往即撲近便  
官田供辦

聖朝崇奉加至道玄應四字餘封如故



# 張天師

天師者漢張道陵也子房八世孫光武建武間生於  
 吳天目山學長生之術隱北邙山章帝和帝累召  
 不起久之徧遊名山東抵興安雲錦溪升高而望  
 曰是有異境遂沂流而之雲錦洞有岩焉煉丹其  
 中三年青龍白虎旋遶於上丹成餌之時年六十  
 容貌益少又得秘書通神變化驅除妖鬼後於蜀  
 之雲臺峰升天所遺經籙符章并印劍以授子孫  
 其四代曰盛復居此山歷代重之今其子孫世襲  
 真人居於江西廣信府貴溪縣之龍虎山



# 三茅真君

三月十八日生

茅盈字叔申潑玄孫弟固字季偉父弟衷字思和生  
 於漢景帝中元五年少秉異操獨味清虛年十八  
 遂棄家入恒山修道餌木后師王君因西至龜山  
 得見王母授以太極玄真之經歸入恒山北谷時  
 年四十九也盈父母尚存父惡其父出遠遊欲杖  
 之盈長跪曰盈已受聖師符籙常有天兵時前杖  
 盈恐天兵相阻盈罪愈加重也父欲驗其語故杖  
 之杖輒折成數十段如弓矢之業中壁則壁穿中  
 柱則柱陷父母始知其道成乃止盈曰向所故正

慮如此后二弟俱貴衷為西河太守區為執金吾  
當並之官御史送者數百人時盈亦在座笑謂賓  
曰吾雖不作二千石來年四月三日送僕登仙當  
亦不減於今日也衆皆不之許時宣帝初元四年  
也至期門前數頃地忽自平治無寸草皆施青繖  
帷屋下盡鋪白毡可容數百人衆賓並集大作宴  
會杳無使從但見金盤玉杯自至進前美酒奇釀  
異果不可名狀復有妓樂絲竹金石之音端耳蘭  
麝之香達數里外少頃迎官來至朱衣玉帶者數  
百人旌旗甲仗光采耀日盈乃與家人親友辭別  
登車乘雲冉冉而去時二弟在官聞盈飛昇皆

還家求兄於東山盈乃與相見謂二弟曰悟何晚  
矣今年已俱老難可補復縱得真訣但可成地仙  
耳於是初教二弟延年不滅之法令長齋三年授  
以上道使存明堂玄真之氣又各贈九轉還丹一  
劑并神方一首各佩服之遂各成仙后人謂之三  
茅真君今祠廟鼎列於司容之茅山三峰靈應奇  
驗禮拜者傾江以南云

祠山張大帝



祠山張大帝

大帝姓張諱渤字伯奇武陵龍陽人也父龍陽君母

曰張媪龍陽君與媪遊於太湖之陂忽風雨晦冥

雷電並起失媪處俄頃開霽媪言見天神賜以金

丹已而有娠西漢神雀三年二月十一日夜半生

長而奇偉隆準修髯有神告以地荒僻不足建家

命行有獸前導遂與李夫人東遊吳會渡浙江至

蒼雲山白鶴山山有四水會流其下公止而居焉

於白鶴得柳氏於烏程桑垆得趙氏為侍人王九

弟五子一女八孫始於吳興郡長興縣順靈鄉後

陰兵自長興荆溪疏鑿聖瀆長三十里志欲通導  
於廣德也王設鼓壇為烏所誤王見夫人變形未  
及遂不與夫人相見化於廣德縣西五里橫山之  
頂居民思之立廟祀焉夫人亦至縣東二里而化  
時人亦為立廟聖瀆之河湮為民田即浴兵池為  
湖灌溉瀨湖之田僅萬頃掛鼓之壇禽不敢觸  
不敢聚云唐大寶中禱雨感應初贈  
水部員外郎橫山改為祠山昭宗贈  
司農少卿賜金紫景宗封  
廣德侯南唐封為司徒封廣德公後晉封為  
廣德王宋仁宗封為

靈濟王至寧宗朝累加至八字王至理宗淳祐五年

改封

正祐聖烈真君至咸淳二年加封

正祐聖烈昭德昌福真君 二月十一日誕生

封正寧昭助靈惠順聖妃 李氏二月初二日誕生

封協應濟惠慈昭廣懿夫人 趙氏

封協順承濟慈祐廣助夫人

王祖顯慶垂休昭遠靈惠侯 祖顯應起家昭靈夫人

王父慈應潛光儲祉衍靈侯 王慈惠嗣徽聖善夫人

九弟

靈貺普濟昭助侯

靈德昭惠嘉懿夫人

善利通 貺靈助侯

善德助 惠正懿夫人

順成孚 應顯助侯

順德衍 惠昭懿夫人

康衛昭 應廣助侯

康德順 惠顯懿夫人

靖鎮豐 利宏助侯

靖德淑 惠靈懿夫人

休應曹 澤孚助侯

休德敷 惠靖懿夫人

明濟福 謙善助侯

濟德緩 惠昌懿夫人

昭祐通 濟信助侯

昭德靖 惠明懿夫人

嘉惠予 直順助侯

嘉德柔 惠光懿夫人

王子

承烈顯 濟啟佑王

五月十一日 承祀贊福元穆協應夫人

嗣應昭 佑公

正月初四日 嗣嬪翊福昭穆夫人

濟美宗 佑公

濟順保 福恭穆夫人

紹休廣 佑公

紹妙崇 福交穆夫人

善繼孚 佑公

善行敷 福瑞穆夫人

王女

淑顯柔 嘉令儀夫人 王 繼 李 夫人 本 廣 無 像 位 顯 是

王孫

第一位 永福侯

第二位 衍社侯

第三位 衍佑侯

第四位 衍澤侯

第五位 衍瑞侯

第六位 衍渥侯

第七位 衍慶侯

第八位 衍惠侯

佐神丁 壬三聖者

打供方 使者封協靈侯



五聖始末

按相殿靈應集云五顯公之神在天地間相與為本  
 始至唐光啟中乃降於茲邑圖籍莫有登載故後  
 未者無所考據惟邑耆耄口以相傳言邑民王瑜  
 有園在城北偏一夕園中紅光燭天邑人糜王觀  
 之見神五人自天而下道從威儀如王侯狀黃衣  
 皂纓坐胡床呼瑜而言曰吾授天命當食此方福  
 佑斯人什勝尋幽而來至止我廟食此則佑汝亦  
 無窮瑜拜首曰惟命言訖祥雲四合神昇天矣明  
 日邑人來相宅方山在其東佩山在其西左環杏

墩右繞蛇城南北兩潭而前坐後大溪北來紫紆  
西下兩峰特秀灑然水口良然佳處也乃相與于  
來斬竹雜草作為華屋立像肖貌揭虔安靈四遠  
聞之鱗集輻輳自是神降格有功於國福佑斯民  
無時不顯先是廟號止名五通大中中始賜廟額  
曰靈順宣和年間封兩字侯紹興中加四字侯乾  
道中加八字侯淳熙初封兩字公甲辰間封四字  
公十一年加六字公慶元六年加八字王喜泰二  
年封兩字王喜定元年封四字王累有陰助一  
左封六字王六年十一月詔下封八字王

理宗改封八字王號

第一位顯聰昭應靈格廣濟王

顯慶協惠昭助夫人

第二位顯明昭列靈護廣祐王

顯惠協慶善助夫人

第三位顯正昭順靈衛廣惠王

顯齊協佑正助夫人

第四位顯直昭佑靈貺廣澤王

顯佑協齊喜助夫人

第五位顯德昭利靈助廣成王

顯福協愛靜助夫人

王祖父啟佑喜應敷澤侯

祖母衍慶助順慈妃夫人

生父廣惠慈濟方義侯

母崇福慈齊慶善夫人

長妹喜應贊惠淑顯夫人

次妹懿順福淑靖顯夫人

至有吏下二神者蓋五公既貴不致以禍福驚動人之耳目而委是二神司之歟

黃木道士

紫衣貞覺大師

輔靈翊善史侯

輔順翊惠下侯

翊應助順周侯

令狐守丞

王念二光帥

行供高太保

打供胡首二檢察

都打供胡靖一檢察

打供黃太保

打供王太保

金吾二大使

掌善罰惡判官

周禮小宗伯祀五帝於四郊漢儀祠五祀宋朝明堂畷五方帝位於昊天之神從之以五人帝五官神皆五行直氣也蓋五行為天地間至大化必有為之主宰者故曰玄冥曰祝融曰句芒曰神蓐曰后土皆指水火金木土而言之則今五神之降於此豈非默助五行之造化以福生民乎或以五聖為五通謂其非正神名實不壽甚矣每歲四月八日本縣放建大齋士民輻湊本朝有褒封勅語

至聖炳靈王



至聖炳靈王

五月十一日生

至聖炳靈王者即東嶽天齊仁聖帝第三子也唐太宗加威雄將軍至宋太宗封上

吳炳靈公大中祥符元年二月二十五日封

至聖炳靈王

佑聖真君



# 佑聖真君

佑聖真君者真君姓茅諱盈本長安咸陽人也自幼  
 出家參訪名山洞府遇王君賜長生之術得道稱  
 為天仙至漢明帝朝儀朔三年天書忽降皆玉篆  
 龍文云大帝保命真君與東岳天齊仁聖帝同啟  
 死生共管陰府之事宋太宗封佑聖真君至真宗  
 加封

九天司命上卿賜福佑聖真君

王侍宸



### 王侍宸

侍宸姓王名文卿宋時臨川人侍宸其官也生有骨  
相有道者器之長而遊四方復歷幾遍宇宙嘗遇  
異人授以道法能召風雷宋徽宗號為金門羽客  
凝神殿侍宸寵冠當時賜齋一無所受時揚州大  
旱詔求雨侍宸為仗劍噴水曰借黃河水三尺后  
數日揚州奏得雨水皆黃濁屢見顯異元時始建  
祠今祠在建昌之府城內是也靈應益著執牲帛  
而乞靈者絡繹於道

袁千里



袁千里

袁勝字千里南豐人王侍宸甥生氏子也有斬勘雷法  
髻髻舅氏端平間寓戴顛家一日謂戴顛曰吾逝  
矣可焚我言畢而卒戴焚之火及屍煙焰中有旌  
現金字曰雷霆第二判官袁千里也

張果老



# 張果老

姓張名果隱於恒州中條山往來陝晉間得長生秘術者老云為兒童時見之已言數百歲嘗騎一白驢日行數万里休息時乃折疊之其厚如紙置於巾箱中乘則以水噴之復成一驢唐太宗高宗徵之不出則天皇后召之出山佯死於姬女廟前石有人於恒州山中復見之明皇齋醮書迎果隨至安置於集賢院問以神仙不答累試仙術不可窮

紀



# 西嶽真人

西嶽真人姓馮名長驪山人周宣王時為柱下史觀  
 天文之變乃退隱攝生遇鄧真人授以靈書功行  
 垂成復遇彭真人授以太上隱書遂得仙用術活  
 人平王二十年春昇化而去

出像增補神異記  
太素真人



# 太素真人

九月三日生

太素真人姓周名亮字太真太原人母宵寢見五色流霞覆其宅因感有孕經十月五月而生長而師事姚坦授五千文乃八素真經能治鬼怪各復真形周靈王太子晉聞之召與相見賜以九光七明芝亮修服之遂能變化或如七十髮白齒落經宿不出復為少年姿容如花或被亮人侮之其人不覺自縛困於枵擊叫號口中流血來哀乃釋之年一百九十餘歲威烈王十四年上帝遣天官下迎授為奉隴真人出入太清



薩真人

薩真人名守堅蜀西河人也嘗學醫誤用藥殺人遂棄醫聞虛靖張天師及建昌王侍宸福州林靈素三人道法高遂來學法至蜀中其行囊已盡坐於石大憂忽見三道人來真人問此去信州遠近道人問所設真人曰欲訪虛靖天師學法道人曰天師死矣復問王侍宸曰亦死矣復問林靈素曰亦死矣真人方悵恨一道人曰今天師道法亦高吾與之有舊當為作字可往訪之吾有一法相授日間可以自給遂授以呪藥之術曰呪一藥可取七

文一日但呪十棗得七十文則有一日之資矣一  
道人曰吾亦有一法相授與之棕扇一柄曰有病  
者則扇之即愈一道人曰吾亦有一法相授乃雷  
法也真人受之辭去用之皆驗一日凡呪百餘棗  
止授七十文為日用餘者復以濟貧及到信州見  
天師授書舉家皆哭乃虛靖天師親筆也書中言  
吾與王侍宸林天師遇薩君各以一法授之矣可  
為參錄奏名真人后法愈大顯嘗經漳州人聞神  
語曰真人提刑來日至次日人伺之只見真人攜  
甕至至有提點刑獄之牌人異之繼至湘陰縣浮  
梁見人用童男童女生祀本處廟神真人曰此等

淫神好焚其廟言訖雷火飛空廟立焚矣真人  
龍興府江邊濯足見水有神影方面黃巾金甲左  
手拽袖右手執鞭真人曰尔何神也答曰吾乃相  
陰廟神王善被真人焚吾廟後今相隨一十二載  
尺候有過則復前讐今真人功行已高職隸天樞  
望保奏以為部將真人曰汝亮惡之神坐吾法中  
必損吾法廟神即立誓不敢背盟真人遂奏帝授  
職至漳州忽一日諸將現形環侍天詔召真人君  
天樞領位真人方起身而即立化

壽春真人



壽春真人

其人姓梅名福字子真壽春人仕漢為南昌尉見王  
 莽專政乃棄家求仙遍遊鴈蕩南閩諸山后入仙  
 霞山遇空同仙君授以內外丹法入鷄籠山修煉  
 不成乃至劔江西嶺再遇空同仙君謂福曰汝之  
 緣在飛鴻山也福遂往飛鴻山結菴修煉丹成  
 裝復還壽春一日紫雲浮空仙藥紛紛金王女  
 捧詔控鳶從空而下福拜詔辭家采青鳶飛昇而  
 去宋元豐間封壽春真人今廟在金陵聚寶門外  
 靈應神異俗呼曰梅將軍廟

負局先生



負局先生

負局先生語似燕代間人因磨鏡輒問主人得無有  
疾苦者否若有輒出紫丸赤藥與之莫不愈時大  
疫每列戶與藥愈者萬計不取一錢後止吳山絕  
崖世世懸藥與人曰吾欲還蓬萊山為汝曹下神  
水崖頭一旦有水白色從石崖流下服者多所  
鄉人乃立祠祀之

律呂神



### 律呂神

祠在大同府渾源州之北五里神谿狐石上建於元  
 魏元重修相傳泰初元年六月弘州人有張珪者  
 晚憇於狐石之上忽一神人丰姿飄洒清瑩絕塵  
 自空而下顧珪謂曰律呂律呂上天勅汝此月二  
 十日行硬雨語畢即騰空而去珪會其意歸家遍  
 以語隣村人使速收麥未及收者至日為雨所傷  
 尽空事聞朝廷遣使祭焉

劉師



劉師

某字記師姓劉字摩訶洞曉經律深入禪要占記吉  
 凶無有不驗沮渠蒙遜時西求仙學道經肅州衛  
 止治南小草菴上合掌飯依而入涅槃其徒茶毘  
 之骨化為珠血化為丹更為立祠於示寂之所相  
 傳祈禱者往一獲珠丹焉自是禳火火滅祈雨雨  
 靈禱病病瘥遠近爭崇奉之

搜神記卷之二終

